


# Bibël për fëmijët paraqet



## Samsoni, Burri i Fortë i Perëndisë



Shkruar nga: Edward Hughes  
Ilustruar nga: Janie Forest; Alastair Paterson  
Adaptuar nga: Lyn Doerksen  
Përkthyer nga: Arianit & Valbona Iljazi  
Prodhuar nga: Bible for Children  
[www.M1914.org](http://www.M1914.org)


BFC  
PO Box 3  
Winnipeg, MB R3C 2G1  
Canada

©2021 Bible for Children, Inc.

E drejta e kopjimit: Mund të bëni kopje ose ta shtypni këtë histori,  
nëse nuk do ta shitni.

1

Shumë kohë përpara, në vendin e Izraelit, jetonte një njëri i quajtur Manoah. Ai dhe gruaja e tij nuk kishin fëmijë. Një ditë Engjëlli i Perëndisë iu shfaq gruas së Manoahut. "Ti do të kesh një bebush shumë të veçantë", i tha Ai.




2


Ajo, i tregoi burrit të saj lajmin e mrekullueshëm. Manoahu u lut, "O Perëndia im ... eja tek ne përsëri. Na mëso çfarë duhet të bëjmë për fëmijën".



3



Engjëlli, i tregoi Manoahut se fëmija nuk duhej ti priste kurrë flokët, kurrë nuk duhej të pinte pije dehëse, dhe nuk duhej të hante disa ushqime të caktuara. Perëndia e kishte zgjedhur këtë fëmijë për të qenë një gjyqtar. Ai do të udhëhiqte Izraelin.



4



Njërëzit e Perëndisë, me siguri që kishin nevojë për ndihmë. Ata e kishin lënë Perëndinë jashtë jetëve të tyre, dhe Filistenjtë, armiq të tyre u binin më qafë. Por kur ata u lutën, Perëndia i dëgjoi. Ai dërgoi këtë fëmijë, që të bëhej njëri më i fortë në botë.


5

"Kështu, gruaja lindi një djalë dhe ia vuri emrin Samson; dhe fëmija u rrit dhe Perëndia e beko. Dhe Fryma e Perëndisë filloi të lëvizë përmbi të". Samsoni u bë shumë i fortë. Një ditë ai luftoi

kundër një luani të ri pa pasur asgjë në duar - dhe e vrau luanin!



6



Më vonë, Samsoni shijoi ca mjaltë nga një hoje bletësh që e kishin bërë kosheren e tyre në trupin e ngordhur të luanit.

7



Ai bëri një gjeagjëzë: "Jashtë nga ngrënësi doli diçka për tu ngrënë, jashtë nga i forti doli e ëmbla". Askush nuk gjente dot kuptimin - por nusja e re e Samsonit, një Filistease, ia tregoi miqve të saj. Kjo gjë e zemëroi shumë Samsonin.


8

Samsoni, u zemërua edhe më shumë kur Filistenjtë morën gruan e tij dhe ia dhanë për nuse shokut të tij më të mirë. Ai bëri një plan për tu hakmarrë. Por si? Së pari Samsoni zuri 300 dhelpra. Pastaj ai ua lidhi bishtat së bashku, dy e nga dy, dhe vendosi pishtarë të ndezur në bishtat e tyre.




9

Pas kësaj, Samsoni i lëshoi dhelprat në fushat me grurë të Filistenjve!




10

Tani Filistenjtë donin të hakmerreshin. Samsoni i la ata që ta kapin, ta lidhin dhe t'i dorëzohej Filistenjve për ta vvarë.



11

Por Fryma e Perëndisë, erdhi përmbi Samsonin. Ai këputi litarët, kapi një nofull të njomë të një gomari të ngordhur, dhe vrau 1000 armiq.



12

Filistenjtë dërguan grupe për ta kërkuar Samsonin. Një natë, ata e zunë në kurth brenda një qyteti dhe mbyllën dyert e qytetit. Por Samsoni doli jashtë - duke marrë dyert e qytetit mbi shpatullat e tij!




13

Por, Samsoni dështoi me Perëndinë. Perëndia i dha fuqi atij, për aq kohë sa ai u bind. Një ditë Samsoni i tregoi sekretin e forcës së tij Delilës, një spiuneje të bukur Filistease. Ajo, vuri një burrë të rruante flokët e Samsonit ndërsa ai flinte.




14



Pastaj Filistenjtë, e sulmuan Samsonin në dhomën e Delilës. Samsoni luftoi furishëm - por fuqia e tij ishte larguar. Armiqtë e tij ia nxorrën sytë. I verbër dhe i dobët, Samsoni u bë skllav i Filistenjve. Ata qeshnin dhe e tallnin shërbëtorin e Perëndisë.


15

Filistenjtë kishin një festë. Ata lavdëruan perëndinë e tyre-peshk, Dagonin, që ua dorëzoi Samsonin në duart e tyre. Ata, u dehën dhe festonin në tempullin e Dagonit. Ata dërguan të thërrasin Samsonin, që të bënte palaçon përpara tyre.




16

Një djalë e solli Samsonin, dhe e la që tëmbështetej tek kollonat që mbanin tempullin. Ishin 3000 Filistenj mbi çati, dhe shumë më tepër brenda tempullit, të gjithë duke e tallur Samsonin.



17

Por, në burg flokët e Samsonit kishin filluar të rriteshin. Tani ai u lut, "O ZOT PERËNDI, më forco edhe vetëm këtë herë, që unë të mund të hakmerrem për të dy sytë e mi".



18

A do ti jepte Perëndia forcë Samsonit sërish? A mundej Samsoni të bënte të pamundurën? PO! PO! Duke u tendosur mbi kollonat dhe duke gulçuar, Samsoni i rrëzoi ato. Tempulli i Dagonit u shkatërrua dhe u bë rrafsh, duke vranë mijëra Filistenj - dhe Samsonin!



19

Samsoni, Burri i Fortë i Perëndisë


Një tregim nga Fjala e Perëndisë, Bibla

e marrë nga

Gjyqtarëve 13-16

"Zbulimi i fjalëve të tua ndriçon dhe u jep mendje njerëzve të thjeshtë."  
Psalmet 119:130

20



14



60

21

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu:  
Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

22